

正陽子



道藏輯要

金蓮正宗仙源像傳

卷

翼集八

師姓鍾離名權字雲房號正陽子京兆咸陽人也容貌雄偉學
通文武身長八尺七寸髯過於腹日有神光仕漢爲將軍兵失
利遁入終南山遇東華帝君授以至道後隱晉州羊角山不與
世俗接東髮爲雙髻採槲葉爲衣自稱天下都散漢道成天真
錫號太極左宮真人翺遊人間示現無常世人往往遇之嘗有
頌云生我之門死我戶幾箇惺惺幾箇悟夜來鐵漢細尋思長
生不死由人做有詩文行於世今終南山凝陽洞傳道觀卽遇
東華帝君處咸陽周曲灣正陽宮卽其故居也
元世祖皇帝封號正陽開悟傳道真君
武宗皇帝加封正陽開悟傳道垂教帝君

贊曰早遇東華以道相接日月雙懸乾坤樹葉花生玉帶樹
長鉛枝悠悠澧水只似當時

道藏輯要

金蓮正宗仙源像傳

卷

翼集八

正一天師清微弟子洪百堅製作

道教學術資訊網站